


ՀԱՅԿԱԿԱՆ ԿՐԹՈՒԹՅՈՒՆ ԿԻՐՏՈՒԹՅԱՆ ՄԻՋԱԿԱՅԻՆՈՒՄ ԱՄԵՆՈՒՐ ԵՎ ՎԻՃԻԿԱԿԱՆ ԳՐԱԿԱՆՈՒԹՅԱՆ ՑՈՒՆՈՒՄ

Այժմ տեղեկատվական- հեռահաղորդակցական տեխնոլոգիաները հնարավորություն են տալիս հատել ժամանակի և տարածության բոլոր սահմանները:

Տեխնոլոգիաների բերած այս հնարավորությունները լայնորեն կիրառվում են Հայկական բարեգործական ընդհանուր միության (ՀԲԸՄ) Հայկական վիրտուալ համալսարանում, որի նպատակը աշխարհի հայության համար հայկական կրթություն ստանալու հնարավորություն ստեղծելն է: Հայկական վիրտուալ համալսարանի հիմնադիր-նախագահ Երվանդ Ջորյանը մեզ հետ զրույցում ասաց, որ այսօր սփյուռքում հայկական դպրոցներ հաճախելու հնարավորություն ունեն դրսում ապրող հայերի միայն 5%-ը, ուստի դրսում հայկական կրթության պակաս կա: «Վիրտուալ համալսարանն օգնում է հայապահպանությանը, քանի որ աշխարհի տարբեր ծայրերում գտնվող մարդիկ այսօր համացանցի շնորհիվ կարող են մասնակցել համալսարանի դասերին», - ասաց Ե. Ջորյանը: Այժմ համալսարանում ուսուցումն իրականացվում է երեք բաժիններում՝ հայոց լեզու, հայոց պատմություն և հայկական մշակույթ: «Տեխնոլոգիական զարգացումը մեզ հնարավորություն է տալիս վիրտուալ կրթություն իրականացնել, ինչը նշանակում է, որ ուսանողն այլևս կարիք չունի դպրոց գնալ՝ դեմ առ դեմ իր դասախոսին հանդիպելու. հեռուստուցման շնորհիվ մենք հայեցի դաստիարակություն կան հայկական կրթություն ենք տալիս ամեն տեղ», - ասաց Ե. Ջորյանը: Նրա խոսքով՝ ՀԲԸՄ-ն սփյուռքում գոյություն ունեցող հայկական կրթության ամենամեծ ինստիտուտն է, որը 20-ից ավելի ամենօրյա դպրոցներ ունի աշխարհի տարբեր ծայրերում: Վիրտուալ համալսարանի կայացման գործում մեծ նշանակություն են ունեցել ՀԲԸՄ-ի կրթական փորձառությունը և ֆինանսական աջակցությունը: Բացի այդ, համալսարանական ուսուցման բովանդակության ստեղծման գործում մեծ դեր են ունեցել հայաստանյան տարբեր բուհերի մասնագետները, իսկ վիրտուալ համալսարան ստեղծելու գաղափարի իրականացման համար ուսումնասիրվել են աշխարհում գոյություն ունեցող վիրտուալ համալսարանների օրինակներ և հեռուստուցման տարբեր ծրագրեր:

Հայկական վիրտուալ համալսարանում ուսուցումն իրականացվում է տարբեր լեզուներով՝ հայերեն (արևելահայերեն և արևմտահայերեն), անգլերեն, ռուսերեն, ֆրանսերեն և իսպաներեն: Վերջին մի քանի ամիսներին համալսարանում մշակված նոր ծրագրի շնորհիվ համալսարանում հայերեն կարելի է սովորել նաև թուրքերեն լեզվով: «Թուրքիայի մեջ ապրող իսկական կամ իշլամացած հայերն այլ լեզուների կողքին այսօր հնարավորություն ունեն հայերեն սովորել նաև թուրքերենով», - ասաց Ե. Ջորյանը: Թուրքերենով հայերեն սովորողների թիվը դեռևս շատ չէ, սակայն, ինչպես նշեց Ե. Ջորյանը՝ հետաքրքիր է այն, թե ովքեր են սովորողները. «Ոմանք հայեր են, իսկ ոմանք էլ՝ թուրքեր, որոնք հետաքրքրված են հայերենով և ուզում են մոտիկից ծանոթանալ մեզ ու մեր լեզվին», - ասաց նա՝ հավելելով, թե թուրքերենով համալսարանում դասավանդում են միայն հայոց լեզվի բաժնում, իսկ սեպտեմբերից համալսարանում կսկսվի նաև Հայոց պատմության դասավանդումը:

Հայկական վիրտուալ համալսարանն ուսանողներ ունի շուրջ 50 երկրներից, սակայն ամենաշատ ուսանողներն ԱՄՆ-ից են (մոտ 25%), որին հաջոր-



դում է Վրաստանը, Ֆրանսիան, Ռուսաստանը, այնուհետև՝ Հայաստանը, Կանադան, Ուրուգվայը, Արգենտինան և այլն: Ամենաքիչ ուսանողները Թուրքիայից են: «Կան ուսանողներ նաև այնպիսի երկրներից, որտեղ հայեր չկան կամ շատ քիչ են, օրինակ, Աֆրիկայի մի փոքրիկ կղզուց՝ Ռեյնյոն կղզուց, չորս աշակերտ ունենք Շանհայից, որոնցից ընդամենը մեկն է հայ, իսկ մյուսները հայերի տիպիսներ են, ամուսնացել են հայի հետ և սկսել են հայերեն սովորել», - ասաց Ե. Ջորյանը՝ նկատելով, թե համալսարանի ուսանողների աշխարհագրությունը տարեցտարի ավելանում է:

Ուսուցումը վճարովի է, սակայն...

Համալսարանում ուսուցումը վճարովի է, յուրաքանչյուր կուրսի արժեքը (կուրսերը եռամսյա են) կազմում է մոտ 200 դոլար: «Համալսարանի ծախսերի մոտ 5%-ն է գոյանում ուսուցման վճարներից, մնացած 95%-ը գոյանում է հովանավորներից», - ասաց Ե. Ջորյանը՝ նշելով, թե համալսարանում ուսուցման վճարը սիմվոլիկ է: Նրա տեղեկացմամբ՝ բազմաթիվ ուսանողներ կրթաթոշակ են ստանում՝ որպես նյութական օգնություն, որը «փակում» է ուսուցման ծախսը: Այն հատկապես սոցիալապես անապահով՝ քիչ կամ ընդհանրապես եկամուտներ չունեցող անձանց է վերաբերում: Իսկ նրանք, ովքեր ունեն միջին եկամուտ, մոծում են ուսուցման վճարի մոտ 50%-ը: Այս ամենից բացի, համալսարանում անվճար սովորելու ևս մեկ հնարավորություն կա. գերազանց գնահատականներ ունենալու դեպքում ուսուցման վերջում նրանց ուսման վճարը վերադարձվում է:

Այժմ Հայկական վիրտուալ համալսարանի ամենակարևոր խնդիրը մարդկանց հասանելի լինելն է և նրանց այս համալսարանի մասին տեղեկացնելը: Ե. Ջորյանի խոսքով՝ համալսարանում վիրտուալ «ճանփորդություններ» են կատարում՝ վիրտուալ այցելելով Մատենադարան կամ Ցեղասպանության բանգարան: «Մեր նպատակն է՝ ոչ միայն հային հասնել, այլև տեղեկացնել նրանց, ովքեր կիսով չափ կամ մեկ քառորդով են հայ՝ իրենց հայ լինելու մասին, և նրանց ներգրավել մեր կրթական գործընթացներում: Այսինքն՝ նպատակ է հայապահպանության գործին», - ասաց Ե. Ջորյանը: Նրա խոսքով՝ առաջիկայում վիրտուալ համալսարանում հնարավոր կլինի սովորել նաև մոբայլ գործիքներով և շարժական սարքերի միջոցով: Այս ուղղությամբ ներկայումս աշխատանքներ են տարվում, որպեսզի արդեն այժմանը՝ հոկտեմբեր ամսից, ուսանողները կարողանան օգտվել նաև այս հնարավորությունից: